


www.BibleForChildren.org

Matiu 26



Vekyahu nyato kyarara
omwata nro entava qaumaqa
huvaro 6 entanramwu
qati vahuvaro Iesusiva
qaiqaa Vetaani mwini
Rasarusiva varunani vura.
Rasarusira mwia haaru qutu
vura Iesusiva qaiqaa qati sivuma
kyo vaisiva varura. Varuvaro
Mariaava taqu mpo varero nrunra.



Mwi taquraqi
nronra munima
kyo vahamwenranra
mwia nrutu naanti
vahuvaro Mariaava mwi
taqura varero mwi
vahamwenranra Iesusira
kyuquqaa qu mwatero
mwiaqaatairo nai qiata
kyaahiqotairo Iesusira
kyuqu nruka mwatero
vahamwenra kyuqe hu mwuntava
nraamwu mwia piqa kyora.



Iesusiva mwitaa tuvaro mwia nraaqiara 12
nramwugitairo mpovanto Iutaasi Isikeriotiva
mwiqitairo veva ntero Iesusira
qovarama kyaani quara timwa
nyinrenro vuva Kotira
nraamwuqi Kotira kyaiqa
vara mwate varuhua mwihua
nronra vaisinramwu
timwa nyuvata
mwihua mwia quara
qamwata kyeta
tiqata, . . .



... E mwitaa qiarata tire qutaqama kyeta munima i
mwinrenrave, tuvaro mwiaqaatairo Iutaasiva Iesusira
mwihua kyauquqi kyaani
aanranra puua hi varura.



Iesusiva mwitaa tuvata mwia
nraaqiaranramwuvanto Iesusiva
tuntema kyeta mwi kyarara
terama kyeta vatora. Iesusira
nraaqiaranramwu kyara nre
varuvaro Iesusiva mpereti vara
kyero Kotirara kyugeve timwa kyero
nteqa kyero nai nraaqiaranramwu
nyinro tiqaro, Mwaa vara kye
nraate. Mwaa ni
mamantama iho,
tiro.




Mwita timwa kyero mwiva uaini
kaapu vara kyero Kotirara
kyuqeve timwa kyero mwinramwuhua
viti nyinro tiqaro, Nkye ekyaa
mwihua mwaa nraate. Mwaa ni
nraanrema iho. Kotiva nraakye
qoravata qaraakya qua vataari quava
mwi quava kepukyaqama quarive
tiro, ni nraanrevanto mwia
kepukyaqama
kyaananrove.




Ni ru kyaivaro ni nraanrevanto
rauruariva airi nraakye qora
kyaahaqa hiqaro mwihua
uaqia hiani quara nruka
nyataanarove.



Iesusiva mwitaa timwa kyero Pitaarara tiqaro,
Saimonio, Saimonio, riaante. Saataaniva nkyi
mwataarama kye nkyi ntainra kyaankye tiharo Kotiva
qio mwitaa hianta tirave. Nte Kotirara aakyara
nteqanama iara mwia kyaahaqa hiraro mwiva iara
kepukyaqama kyero riemwaqiro quarive turave.
Nraakiara qaiqaa nianra
riemwaqira viqarama
ena qata vakyaa
kepukyaqama
nyataante, tiro.



Iesusiva mwitaa tuvaro Pitaava tiqaro, Qaqao,
nronrao, nte ivatama kyena karavugi vina ivatama
kyena qutu quaninranra terama varugo, tiro. Mwitaa
tuvaro Iesusiva timwa mwinro tiqaro, Pitaao, nte i
timwa mwianinra riaante. E taarampo nani nianra hia
mwia taqaurave tiraro kokoraaravanto nruqua
qiananrove, tiro.



Mwiaqaatairo Iesusiva nai
nraaqiaranramwuvatama
kyero kyaqamwa ututoraqi
mwia nrutu Kesemani
mwiqi uro ntero nai
nraaqiaranramwuanra
tiqaro, Nkye mwaini
mwatakyaa vi varivaqe nte
uro vururaqaa Kotirara
aakyara ntaankye, tiro.
Mwita timwa kyero mwiva
tiqaro, Po hiave, ko, e ekyaa
kyaiqa qio vare variaravave.



Nte nriqa quani nramanrinra
nraani kaapura e mwi
kaapura vara qatinani
kyaante. Nte mwitaa
qiariravata hia ni
mutukya vahira vataqira
quante. Ena mwutukya
vahira vataqira
quante, tiro.



Iutaasiva ntapihi kyero uro Kotira kyaiqa vara mwate
varu vaisihua mwihua nronra vaisinramwuvata, Parisi
vaisinramwuvata, timwa nyuvata mwihua kamaninra
porisinramwu Iutaasira mwita kyaiqa
vaisinramwuvata mwia mwuvaro Iutaasiva
mwihua sita varero vura. Mwihua
omwavata ramuvata qupi kye
vareta ntaqi inraikyaravata
vareta vuhua uro Iesusiva
hunani uro ntora.




Mwita timwa kyeta varuvaro mwinramwuhuaqitairo
mpovanto Kotira kyaiqa vara mwate varu vaisihua
mwihua vunyaa vaisi kyaiqa vaisi mpo kyaatutanyaa
nraato teqa kyovaro tumu ntura.
Tumu ntuvoro Iesusiva qaqao hia
qaiqaavata mwita hiate tiro.
Mwita timwa kyero mwi
vaisira nraatoqa nai kyauquqo
vatovaro qaiqa
naitarama vahura.




Iesusiva mwitaa tuvata mwihua mwia ntavaaqavu
kyeta vitaqita uro Kotira kyaiqa vare varuhua mwihua
vunyaa vaisi nraamwuqi kyovaro Pitaava
nyianrasata viqaro
mwihua sataqiro vuva
uro taqovata mwatukya
utasata qia quara teta
varuvaro Pitaavavata
mwihua kyapata
qia taare varura.



Mwita tuvaro vaisi
mpo qiata vaisi kyaiqa
vaisivanto Pitaava
mwia nraato teqa kyora
mwia hena vaisivanto
Pitaarara tiqaro, Qutaa
eve nte taqauqara
mwikyantiri kyatari
kyaqamwaqi variaro?
tiro. Tuvaro Pitaava qaiqaa
qaqao nraahu tiro. Mwita timwa
kyero riovaro qamwanrama kyero
kokoraaravanto nruqua tura.



Mwi quava Pitaara
nraatoqi ntumwa vuvaro
mwiva ntapihi kyero
riero mwiaqaatairo
mwaaqani mwaati
ntovaro mwia
mwutukyavanto uaqia
huvaro nronraqama
kyero ntatero.



Mwita a timwa kyeta ekyaa mwihua
sivita Iesusira vita vareta
Pairaativa varunani uro kyeta
Iesusiraqaa qua vateqata mwitaama
tita, Tire taqauraro mwaa vaisiva
nraakye qora uaqia hi
aanranra nyaamwuteqaro
mwihuara hia nronra vaisi
vunyaanra Sisaara taakisi
mwiata ti varirave.

Mwihua mwitaa tuvaro
Pairaativa Iesusira kyapara

hiro, Qutaave e Iutaa vunyaa
vaisivanto variaro?



tuvaro Iesusiva tiqaro, E qiananra
nte mwaa mwivama iho, tuvaro
Pairaativa Kotira kyaiqa varohua
mwihua nronranramwuanravata,
nraakye qora ntuvaantuama
vuhuaravata, tiqaro,
Nte taqauqaro mwaa
vaisiva hia kamaninra
qua nteqa kyaiho, tiro.
Pairaativa Iesusira huvantu


kyarero uti variqaro qaiqaa
nraakye qora kyapara hiro.




Kyapara huvata mwihua hia mwia
qua riaraitita, nronraqama kye
aakyara nteta tiqata, Mwia
kyatarigaa rutaante. Mwia
kyatarigaa rutaante, tita.



Mwitaa tuvaro Pairaativa Iesusira
kyatariqa hiritaate tiro, mwihua
kyauquqi kyora. Pairaativa Iesusira
mwihua nyuvata mwihua mwia viteta
vuvaro Iesusiva nai hirite kyatarira
vara qu varero vuvata mwihua Iesusira
vita vareta mwaa quaragitali Qiata
Mwukyaari satave tunani vita. Iutaa
mwatanaahua quagitali Korokotaave
tunani uro ntora.




Uro nteta Iesusira kyuqu kyauqu
kyatarigaa ninriqotaita rukyeta vara
mwaamwi mwataqi ratora. Mwia rateta
vaisi mpotanavata
kyatarigaa ru kyeta
hini hini
ratovaro
Iesusiva
mwitanahua
utaqaa varura.



Ierusaremini Kotira nraamwuqi tavuna tauha votima
kye hiritova utaqaa nai nrahitu vuvaro Iesusiva
kyatarigaa variqaro paatiro aakyara ntero tiqaro, Ko,
ni manraqura tu varaante, tiro.

Mwitaa timwa kyero
mwiva qutu vura.



Entama virera huvaro Iosepiva
Arimatianaava nri ntora. Mwi
vaisiva vaisi kyuqeva
kaanasorivanto variqaro
Kotiva ntaqikyiani entava
nrianinranra tageqaro
mwia vekya varuva
nri ntero, hura
Iutaa mwaanra
enta

Mwita
tuvaro Iosepiva
eqarori tavuna
kyoqaama kyero
Iesusira mwamwanta
kyatarigaatairo itu
kyero eqarori
tavuna . . .



... mwiagotairo qapugama kyero uro
vaisi quntarera ori vaurutoraqi
vera vahianinranra riero hia
aatu hiraitiro, uro
Pairaagirara Iesusira
mwamwantara
kyapara hiro
tiqaro,

Mwia mpiraqe
varaqina uro
quntaakye, tiro.
vatero ori nronra
mpo ventaqiro
uro mwia nrona
tita tora.



Mwia qanranraa Saarareqa Kotira
nraamwuqaa ntaqikyuhuavata Parisi
vaisinramwuvata uro
Pairaatira vatama kyeta
ntuvaantuama vita
variqata mwianra
tiqata, Nronrao,
tire riauraro unra
ti vari vaisiva

mwiva
nai

qati varu
entara
tiqaro, . . .



... Nte taarampo enta vari kyena
qaiqaa qati siquaninrave turave.

Mwiva mwitaa turara
tira, e ntaqua vaisihua
sitairata mwihua mwia
quntamwa taaraqaa
taarampo enta
variqata
ntaqikyiqita
quate.



Mwiva mwitaa tuvata mwihua uro tita
tora ori mwiaqaa mwukya rateta
ntaqu vaisihuara tiqata,
Mwaini variqatama
kyugema kyetama
ntaqikyiqi quate,
turama.



Saarare Iutaa mwaanra entavanto
taiqovaro mwia qanranraa
ntuvaahama vuvata
Saanteqaa Mariaava
Makataranyaavavata,
mwia qamwava
Mariaavavata,
Iesusira quntamwa
toraqi taqarerata
vurama.



Vuvaro qamwanrama kyero
mwaturavanto nronraqama
kyero tuvaro nyaamwunyaava
mpovanto nyaamwusairo
tumu oriqo qesa tita
tora mwia rataa
qatinani kyero
ori mwiaqaa
mwatakyaa viro
varura.



mwiaqaa ntaqikyí varu vaisihua
mwia taqeta nronraqama kyeta
aatu hi varita kyuqu kyauqu
ntuvata tumu ntita qutu
quahua nraantantamwa
kyeta varura.



Mwihua mwitaama vita varuvaro
nyaamwunyaava nraakye
mwitanahuara tiqaro, Hia
aatu hiate. Nte ntapihi
kyauqata nkyetana
Iesusira kyatarigaa
rutaa vaisira puua
hinerata nriavo.



Mwiva hia mwaini variho. Mwiva
nai nkyi timwa nyintema kyero
qatima siviho. Nrita mwia
veta vataaraqi taqaate.



Mwiva mwitaa tuvata nraakye mwitanahua
mwia quntamwa to mwatara mwia mwini
kyetatana hianteta vuvaro hini
mwamwantavanto aatu hi varuvata
hini mwamwantavanto qamwate
varuvata hianteta Iesusira
nraaqiaranramwu timwa
nyinrenrata vurama.



Mwitanahua hianteta vi varuvaro
qamwanrama kyero Iesusiva mwitanahua
qintorama kyero tiqaro,
Varitatanave, tuvata mwitanahua
qamwata kyeta uro tumu ntita
variqata mwia kyuqu tu vareta
mwianra qamwata kyeta mwia
nrutu tuaahere varuvaro




Iesusiva mwitanahuara
tiqaro, Hia aatu hiate.



Qio nraakiara ekyaara Iesusira nraaqiara 11
nramwuvanto kyara nre varuvaro Iesusiva mwihua
suqaa qovarama vura. Iesusiva qati siviro varuvata
mpo uhua mwia taqeta uro Iesusira nraaqiaranramwu
timwa nyuvata mwihua mwi quarara unra quave timwa
kyeta varuvarora tiro, Iesusiva nkyiari suqaa
qovarama viro mwia kyaara mwihua inronra hiro
tiqaro, Nkye mwi quarara qutaave qiataara vaihatama
nkye kepukyaqama kyeta variqata hia
qutaave qiavo, tiro.





Nronravanto Iesusiva nai nraaqiaranramwu kyapata
qua timwa nyi taiqa kyovaro Kotiva mwia nyaamwuni
vitero vuvaro mwiva mwini nronraqama viro Kotira
kyauqu kyaatutani mwatakyaa virero vurama.



Kotiva
mwatani
variahuara

mpoqama kyero mwutukya ntiharora
tiro, mwiva nai mwaaqu kuaigia vataira
tiri timwinra. Mwitaa hirara tita,
nraakye qoravanto mwia mwaaquara
qutaa mwivave tihua hia qutu
viraitita, mwihua ekyaa
enta ekyaa enta
qati variqi
vivara.



Romeni 3:23 Tire ekyaahua Kotira qua nteqa kyeta hia qioqa hunanranra tita, tire hiamu qio uro Kotiva kepukyavanto varinani variarahua varita.

Romeni 6:23 Uaqia hi kyaiqava nai kyaiqa vaisi qutu quani kyoqaara mwihanro Kotiva Iesusi Karaisira tiri vunyaa vaisi kyaiqara rieqaro tiri qatiqama kyero ekya enta qati variqita quanana timwinrama.

Hivuru 9:27 Mwata mwaqa vari nraakye qorahua variqi vita kuaa nani nraahu qutu vita mwiaqaatai mwihua varivaro Kotiva mwihua quaqaa vateroma ko qiananro.

Epesaasi 2:8,9 Nkye Karaisirara qutaave qiavaro Kotiva hia nkyi qaqira kyaraitiro, qatiqama kyero nkyi kyugema nyatairara tita, nkye Kotiva nkyi huvantu kyero sita taihuama varita. Hia nkyita kyaiqaqaara mwitaama nyataraitiro, Kotiva nkyiara kyuge hiqaro qatiqama kyero nkyi huvantu nyatairama.



Romeni 10:9,10 Nkye nkyeta nroqitai tiqata, Qutaama Iesusiva vunyaa vaisivanto variho, tita nkye nkyeta vu nraato mwutukyaqitai tiqata, Qutaama Iesusira qutu vuraqitairo Kotiva mwia qati vara sivuma kyaiharo qati variho, tivera, Kotiva mwianra rieqaroma nkyi huvantu kyero sitaananrove.

Tire vu nraato mwutukyaqitai qutaave qiararo Kotiva tiri avuqavuma timwa taananro. Tire mwi quara nroqitaita qiararo Kotiva tiri huvantu kyero tivi taananro.

Ioni 3:16,17 Kotiva mwatani variahuara mpogama kyero mwutukya ntiharora tiro, mwiva nai mwaaqu kuaigia vataira tiri timwinra. Mwitaa hirara tita, nraakye qoravanto mwia mwaaquara qutaa mwivave tihua hia qutu viraitita, mwihua ekyaa enta ekyaa enta qati variqi vivara.



Kotiva hia nai mwaagu ko raa vaisihua votima kyero
variqaro nraakye qora tukya hiarive tiro mwatani
titaiharo tuminrave. Mwiva nraakye qora sitaarive tiro,
Kotiva mwia titaiharo tuminrave.

1 Ioni 5:11-13 Kotiva timwa tai quava mwataamama
vahiro: Tiriara mwihua ekyaa enta kyugema kyeta qati
variqita quate tiro, Kotiva nai mwaagu tiri timwinra. Qati
variqita vi okyarava nai mwaaguqi vahirara tiro,

Kotira mwaaguntiri variqiro quariva qati variqiro
quananro. Hia Kotira mwaaguntiri variqiro quariva hama
qati variqiro quanar.

Nte nkye Kotira mwaaguara qutaa mwivave qia nraakye
qorahuani qara ntumwa nyatauqo. Nkye nkyeta ekyaa
enta qati variqita vi okyarara ntapihiate tina, nte mwa
quara nkyini qara ntumwa nyatauqo.



Matiu 26-28; Ruku 22-24; Ioni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Tairora South NT (omw) © 2000, Wycliffe Bible
Translators, Inc. All rights reserved.

<https://www.bible.com/bible/1188/MAT.1.OMW>

©2025 Bible for Children, Inc.

www.M1914.org

www.bibleforchildren.org

